

四庫全書

史部

欽定四庫全書

欽定續文獻通考卷一百六十五

經籍考

史傳記下

宋

朱子伊洛淵源錄十四卷

朱子字元晦婺源人後徙建陽從李侗學得列聖道
統之傳舉進士累官秘書閣修撰諡曰文淳祐初從祀

孔廟事蹟具宋史道學傳

臣等謹案馬考傳記類止有朱子名臣言行錄二
十四卷而未載此書今補入

李幼武名臣言行錄續集八卷別集二十六卷外集十
七卷

幼武廬陵人

臣等謹案是書蓋續朱子前後集而作據其序文
則幼武當為理宗時人

杜大珪名臣碑傳琬琰集一百七卷

大珪眉州人

臣等謹案大珪自署稱進士而序作於紹熙甲寅
則光宗時人矣

袁韶錢塘先賢傳贊一卷

韶字彥純慶元人淳熙進士官至參知政事贈太師
越國公

慶元黨禁一卷

不著撰人名氏

臣等謹案是書見永樂大典中題曰滄州樵叟撰不知何許人也序稱淳熙乙巳則作於宋理宗之十八年宋史藝文志不著錄又紹興正人論一卷則題湘山樵夫撰其號與此大同小異似出一人之手考馬端臨所載紹興正論二卷序稱瀟湘野夫者即其書也今不贅入

京口耆舊傳九卷

不著撰人名氏

臣等謹案明楊士奇文淵閣書目焦竑國史經籍志並載此書不云誰作考書中蘇庠傳未自稱家世丹陽從庠之孫得其家傳云云當為南宋末年丹陽人所撰

靖康小雅一卷

不著撰人名氏

臣等謹案是書皆錄靖康死事之臣列傳之末系

以四言詩故以小雅為名其文散見徐夢莘北盟
會編中

章穎南渡十將傳十卷

穎里貫未詳

昭忠錄一卷

不著撰人名氏

臣等謹案是書皆記宋末忠節事蹟蓋宋遺民之
所作也

元

吳師道敬鄉集十四卷

師道見雜史類

辛文房唐才子傳八卷

文房字良史西域人

蘇天爵元朝名臣事畧十五卷

天爵見本類

徐顯稗傳一卷

顯紹興人

尤玘萬柳溪邊舊話一卷

玘字君玉號知非子無錫人尤袤之後

臣等謹案書中所記皆尤氏先世事

鄭濤旌義編二卷

濤字仲舒浦江人官太常禮儀院博士

明

宋濂浦陽人物記二卷

濂見經類

解縉古今列女傳三卷

縉字大紳吉水人洪武進士官至翰林學士出為廣西叅議

忠傳四卷

不著撰人名氏

臣等謹案是書載於永樂大典中當是明初人所作

陶宗儀草莽私乘一卷

宗儀見經類

別本宋遺民錄一卷

不著撰人名氏

臣等謹案是書乃明初抄本毛晉刻之與程敏政
宋遺民錄異

鄭柏金華賢達傳十二卷

柏字叔端浦江人宋濂之門人

黃潤玉四明文獻錄一卷

潤玉字孟清鄞縣人永樂中舉人官至廣西提學僉

事

蔡保禎孝紀十六卷

保禎字瑞鄉漳浦人

姚堂潤州先賢錄六卷

堂字彥容慈谿人正統進士官至鎮江府知府

王冀忠義錄十四卷

莫字時禎金谿人景泰進士官至浙江按察使

尹直名相贊一卷 南宋名臣言行錄十六卷

直字正言太和人景泰進士官至大學士謚文和

謝鐸伊洛淵源續錄六卷

鐸見經類

程敏政宋遺民錄十五卷

敏政字克勤休寧人成化進士官至禮部右侍郎事

蹟具明史文苑傳

王弼尊鄉錄節要四卷

弼黃巖人成化進士官至興化府知府

宋端儀考亭淵源錄二十四卷

端儀字孔時莆田人成化進士官至廣東提學僉事

鄧淮鹿城書院集

無卷數

淮吉水人成化進士官至温州府知府

葉夔毘陵忠義祠錄四卷附錄一卷 毘陵人品記四

卷

夔字司韶武進人成化中以貢生官汝陽訓導

徐絃名臣琬琰錄二十四卷續錄二十二卷

絃字朝文武進人弘治進士官至雲南按察副使

王瓊掾曹名臣錄一卷續集一卷

瓊見奏議類

祝允明蘇材小纂六卷

允明字希哲長洲人弘治時舉人官至應天府通判

明史文苑傳附見徐禎卿傳中

鄭岳蒲陽文獻十三卷列傳七十五卷

岳字汝華弘治進士官至兵部左侍郎

王朝佐東嘉先哲錄二十卷

朝佐字廷望浙江平陽人弘治進士官至南京工部

員外郎

顧璘國寶新編一卷

璘字華玉吳縣人弘治進士官至刑部尚書事蹟具

明史文苑傳

劉節春秋列傳五卷

節字介夫大庾人弘治進士官至刑部侍郎

張芹備遺錄一卷

芹新塗人弘治進士官至浙江右布政使

林塾拾遺書一卷

塾莆田人弘治進士官至浙江布政使參議

金賁亨台學源流七卷

賁亨字汝白臨海人弘治進士官至江西提學副使

程疇新安學系錄十六卷

疇號菽山休寧人

閻秀卿二科志一卷

秀卿蘇州人

顧爾邁明璫彰瘴錄一卷

爾邁淮安人

郁衮革朝遺忠錄二卷

衮嘉興人

別本革朝遺忠錄二卷

不著撰人名氏

毛憲毘陵正學編一卷

憲見奏議類

吳守大名臣像圖一卷

守大字有君崑山人

潘塤淮郡文獻志二十六卷補遺一卷

塤山陽人正德進士官至右副都御史巡撫河南

方鵬崑山人物志十卷

鵬字時舉崑山人正德進士官至太常寺卿

項篤壽今獻備遺四十二卷

篤壽見奏議類

徐咸名臣言行錄前集十二卷後集十二卷

咸字子正號東濱海鹽人正德進士官至襄陽府知

府

楊循吉吳中往哲記一卷

循吉見雜史類

李濂祥符鄉賢傳八卷 祥符文獻志十七卷

濂字川父祥符人正德進士官至山西按察司僉事
事蹟具明史文苑傳

王世貞嘉靖以來首輔傳八卷

世貞見雜史類

唐龍羣忠錄二卷

龍見經類

陳沂畜德錄一卷

沂見雜史類

黃魯曾續吳中徃哲記一卷補遺一卷

魯曾字得之吳縣人正德時舉人

臣等謹案舊本有吳中故實記一卷題曰楊循吉
撰實即吳中徃哲記也又有續記一卷補遺一卷
亦即黃魯曾之原本也謹識於此

李壁劍陽名儒錄三卷

璧字自文武緣人官劍州知州

黃佐廣州人物傳二十四卷

佐見經類

李默建寧人物傳四卷

默字時言甌寧人正德進士官至吏部尚書為趙文華所構下獄死萬曆中追謚文愍

唐樞國琛集二卷

樞見經類

應廷育金華先民傳十卷

廷育字仁卿永康人嘉靖進士官至按察司僉事

張時徹善行錄八卷續錄二卷

時徹字維靜鄞縣人嘉靖進士官至南京兵部尚書

金江義烏人物記二卷

江字孔殷義烏人

鄭燭濟美錄四卷

燭歛縣人

楊應詔閩學源流十六卷

應詔建安人嘉靖間舉人

朱衡道南源委錄十二卷

衡字士南萬安人嘉靖進士官至工部尚書

周復俊東吳名賢記二卷

復俊字子籲崑山人嘉靖進士官至南京太僕寺卿

劉鳳續吳先賢贊十五卷

鳳長洲人嘉靖進士官至河南按察司僉事

皇甫濂逸民傳二卷

濂字子約長洲人嘉靖進士除工部主事謫河南布政司理問遷興化同知明史文苑傳附見皇甫濂傳中

海瑞元祐黨人碑一卷

瑞字汝賢號剛峯瓊山人由舉人官至南京右都御史謚忠介

羅汝鑑羣忠備遺錄二卷

汝鑑字明大新喻人

李貴宋五先生郡邑政蹟一卷

貴字廷良豐城人嘉靖進士改庶吉士

雷禮內閣行實八卷

禮見編年類

耿定向碩輔寶鑑要覽四卷

定向字在倫麻城人嘉靖進士官至戶部尚書諡恭簡

蔡國熙守令懿範四卷

國熙永年人嘉靖進士官至山西提學副使

戚元佐檇李往哲前編一卷

元佐字希仲嘉興人嘉靖進士官至尚寶司卿

歐大任百越先賢志四卷

大任字楨伯廣東順德人嘉靖中以歲貢生除江都

訓導歷官至南京戶部郎中明史文苑傳附見黃佐傳中

喬懋敬古今廉鑑八卷

懋敬字允德上海人嘉靖進士官至湖廣右布政使

吳爵莆陽科第錄二卷

爵湖廣寧鄉人嘉靖中官福建興化府訓導

鄭應旂懷忠錄

無卷數

應旂莆田人嘉靖中貢生

王道隆吳興名賢續錄二卷

道隆字客山烏程人

方學漸桐彝三卷

學漸字達卿桐城人以子大鎮仕贈大理寺少卿

靖難功臣錄一卷

不著撰人名氏

黃姬水貧士傳二卷

姬水字淳父吳縣人嘉靖中諸生

張大復崑山人物傳十卷 名宦傳一卷

大復字元長崑山人嘉靖中諸生

魏顯國歷代相臣傳一百六十八卷 守令傳二十四

卷 儒林傳二十卷 元相臣傳十二卷

顯國字汝忠南昌人隆慶時舉人

張朝瑞忠節錄十卷

朝瑞字子禎海州人隆慶進士官至南京鴻臚寺卿

張昶吳中人物志十二卷

昶字景春長洲人

唐鶴徵輔世編六卷

鶴徵見經類

郭子章聖門人物志十二卷 豫章書一百二十二卷

子章見經類

金養蒙國士懿範十卷

養蒙臨海人

姚咨春秋名臣傳十三卷

咨字舜咨無錫人

秦淪戰國人才言行錄十卷

淪無錫人

朱睦㮮鎮平世系記二卷

睦榘見經類

喻均劉元卿江右名賢編二卷

均新建人隆慶進士官至按察司副使元卿見經類

王應昌宗譜纂要一卷

應昌字亮之崑縣人萬曆中舉人

張世則貂璫史鑑四卷

世則諸城人萬曆進士官至四川安許兵備副使

周汝登聖學宗傳十八卷

汝登字繼元，隸縣人。萬曆進士官至南京尚寶司卿。
明史儒林傳附見王畿傳末。

臣等謹案是書盡採先儒語之類禪者以入，蓋欲
合儒釋而會通之也。

徐學聚，歷朝璫鑒四卷。

學聚字敬輿，蘭谿人。萬曆進士官至福建巡撫副都
御史。

李茂春，鹽梅志二十卷。

茂春字蔚元杞縣人萬曆進士

李廷機漢唐宋名臣錄五卷

廷機字爾張晉江人萬曆進士官至大學士謚文清

夏樹芳栖真志四卷

樹芳字茂卿江陰人萬曆中舉人

朱國楨開國臣傳十三卷 遜國臣傳五卷

國楨見編年類

焦竑獻徵錄一百二十卷 名臣實節錄二十七卷

竑見經類

馮從吾元儒考畧四卷

從吾字仲好長安人萬歷進士官至工部尚書謚恭
定

王士騏四侯傳四卷

士騏見雜史類

毛一公歷代內侍考十卷

一公字雲卿遂安人萬歷進士官至給事中

李日華鄭琰梅墟先生別錄二卷

日華字君實嘉興人萬曆進士官至太僕寺少卿明史文苑傳附見王維儉傳中琰字漢卿閩人

臣等謹案日華等是書為周履靖而作履靖字逸之嘉興人上卷為日華所撰載其生平甚悉下卷為琰所作亦畧具事實而摘其詩句尤多

江盈科十六種小傳一卷

盈科字進之桃源人萬曆進士官至四川提學副使

魏應嘉影壤封疆錄一卷

應嘉興化人萬曆進士官至兵部左侍郎

王紹徽東林點將錄一卷

紹徽陝西咸寧人萬曆進士官至吏部尚書

東林籍貫一卷

不著撰人名氏

東林同志錄一卷

不著撰人名氏

東林朋黨錄一卷

不著撰人名氏

天鑒錄一卷

不著撰人名氏

盜柄東林夥一卷

不著撰人名氏

孫順行事編內篇八卷

慎行字聞斯武進人萬曆進士官至禮部尚書謚文

介

黃汝亨廉吏傳

無卷數

汝亨見奏議類

金汝諧歷代名臣芳躅二卷

汝諧字啟宸平湖人萬曆進士

過庭訓聖學嫡派四卷

庭訓字成山平湖人萬曆進士官至應天府丞

吳伯興宰相守令合宙十三卷

伯興字福生宣城人萬曆進士官至廣東按察副使

吳亮毘陵人品記十卷 名世編八卷

亮字采于武進人萬曆進士官至大理寺少卿

吳甦安危注四卷

甦字鹿友揚州興化人萬曆進士官至大學士

錢士升表忠記十卷

士升見經類

錢陞壺天玉露四卷

陞字元履海鹽人萬曆舉人

劉鱗長浙學宗傳

無卷數

鱗長字孟龍晉江人萬曆進士官至南京戶部郎中

徐煥榕陰新檢八卷

煥字興公閩縣人

黃廷鵠為臣不易編

無卷數

廷鵠里貫未詳

吳用先令史高山集七卷

用先里貫未詳

歐陽東鳳晉陵先賢傳二卷

東鳳字千仞潛江人萬曆進士官至常州府知府

王兆雲詞林人物考十二卷

兆雲字元楨麻城人

董復表弇州史料三十卷

復表字章甫華亭人

徐象梅兩浙名賢錄五十四卷外錄八卷

象梅字仲和錢塘人

許有穀古今貞烈維風什四卷 忠義褒什十二卷

有穀字子仁宜興人

邵正魁續列女傳九卷

正魁字長孺休寧人

陳繼儒逸民史二十二卷

繼儒見雜史類

陳鳴鶴東越文苑六卷

鳴鶴字汝翔侯官人天啟中諸生

文震孟姑蘇名賢小記二卷

震孟字文起長洲人天啟壬戌進士第一官至大學士謚文肅

陳盟崇禎閣臣行畧一卷

盟號鶴灘富順人天啟進士官至吏部右侍郎加禮部尚書

韓昌箕王謝世家三十卷

昌箕字仲弓烏程人

吳孝章名臣志鈔二十四卷

孝章字平子嘉興人

沈夢熊歷代相業軍功考二卷 明代相業軍功考二

卷

夢熊字兆揚歸安人

陸嘉穎銀鹿春秋一卷

嘉穎字子垂嘉定人天啟中官主簿

臣等謹案是編輯古來義僕事跡其以銀鹿為名者銀鹿為唐顏峴家僮事顏真卿終身至禍患不避去故也

郭凝之孝友傳二十四卷 明孝友傳八卷

凝之字正中海寧人天啟中舉人官至充東兵備副使

周鏞遜國忠記十八卷

鏞字仲馭金壇人崇禎進士官至刑部員外郎

朱常澆古今宗藩懿行考十卷

常澆明宗室潞王翊鏐子萬曆四十六年襲封潞王

賀中男明經濟名臣傳四卷

中男永新人

鄒象宗聖譜十四卷

象字子靜常熟人

趙鳳翀辨隱錄四卷

鳳翀字文舉里貫未詳

陸濬源陸氏世史鈔六卷

濬源平湖人

潘京南衙門晤語六卷

京南新都人

周聖楷焚寶四十五卷

聖楷字伯孔湘潭人

道南錄五卷

不著撰人名氏

國殤紀畧一卷

不著撰人名氏

以上總錄

宋

陳規守城錄四卷

規字元則安邱人中明法科靖康末以安陸令攝守
事建炎初除知德安府著有捍禦羣盜功又知順昌
府與劉琦同卻金兵尋移知廬州卒

臣等謹案是書凡分三種首為規所撰靖康朝野
僉言後序次曰守城機要亦規所作次曰建炎德
安守禦錄則瀏陽湯瑋所作瑋淳熙進士官德安
教授尋訪規守城遺事作為此書紹熙間嘗表上
之三書本各自為帙不知何人併為一編考書未
識語則寧宗以後人所輯也又馬考止載劉荀建
炎德安守禦錄三卷而無瑋書之名故併載之

盧襄西征記一卷

襄字替元自序稱衢州人

僧祖秀華陽宮紀事一卷

祖秀蜀人

臣等謹案是書即王稱東都事畧所載之良嶽記也

胡舜中乙巳泗州錄一卷 己酉避亂錄一卷

舜中績溪人舜陟之兄官至舒州通判

張溟良嶽記一卷

吳字清源開封人僑居婺州官至奉議郎

臣等謹案是書所紀即據取徽宗艮嶽記及僧祖秀華陽宮記之畧也

臧梓勤王記一卷

梓里貫未詳銜署左宣教郎荆湖南路安撫置制大使司幹辦公事

鄭剛中西征道里記一卷

剛中見經類

元

劉郁西使記一卷

郁真定人

郭畀客杭日記一卷

畀字天錫京口人

保越錄一卷

不著撰人名氏

明

欽定四庫全書

欽定續文獻通考

卷一百六十五

五

陳誠使西域記一卷

誠吉水人洪武進士永樂中吏部員外郎

錢溥使交錄十八卷

溥字原溥華亭人正統進士官至南京吏部尚書謚
文通

李東陽東祀錄一卷

東陽見雜史類

楊循吉七人聯句詩記一卷

循吉見雜史類

臣等謹案循吉與王仁甫徐寬陳章王弼侯直趙寬六人會飲聯句因成是記

毛紀歸田雜識二卷

紀見奏議類

趙璜歸閒述夢一卷

璜字廷實安福人弘治進士官至工部尚書諡莊敏

陸深淮封日記一卷 南邊日記一卷

深見雜史類

都穆使西日記二卷

穆見雜史類

方豪斷碑集一卷

豪字思道開化人正德進士官至按察副使明史文苑傳附見鄭善夫傳中

臣等謹案豪嘗知沙河縣事求得顏真卿所書宋璟神道碑斷石重立之乃哀集一時題咏及案牘

之文為是編

舒芬東觀錄一卷

芬見經類

楊慎滇程記一卷

慎見經類

王世懋却金傳一卷

世懋字敬美太倉人世貞弟嘉靖進士官至太常寺

少卿明史文苑傳附見世貞傳中

南內記一卷

不著撰人名氏

董傳策奇遊漫記四卷

傳策見奏議類

張鳴鳳西遷注一卷

鳴鳳字羽王豐城人嘉靖時舉人官桂林府通判

王之垣歷仕錄一卷

之垣號見峯山東新城人嘉靖進士官至戶部左侍

郎

楊四知黃梁遺蹟志一卷

四知祥符人萬曆進士官至巡按直隸御史

臣等謹案太學題名碑明有兩楊四知其一萬曆進士祥符人其一崇禎進士六安人今據是書所題定為萬曆中人

張國祥恩命世錄十卷

國祥張道陵之後萬曆中襲爵為五十年代天師

楊東明饑民圖說一卷

東明見奏議類

李同芳視履類編二卷

同芳字濟美崑山人萬曆進士官至山東巡撫

高曰化官省賢聲錄四卷

曰化澄海人萬曆中官楚府右長史

何鏌繡斧西征記一卷

鏌泰興人萬曆中舉人

李日華禮白嶽記一卷 璽名錄一卷

日華見本類

賀仲軾南宮鼎建記二卷

仲軾字敬養獲嘉人萬曆進士

朱祖文北行日譜一卷

祖文字完夫長洲人

孫傳庭鑒勞錄一卷

傳庭字伯雅代州鎮武衛人萬曆進士官至兵部尚

書督師征流寇歿於柿園之戰

臣等謹案是書為傳庭撫秦時所作自以所有勞績無不仰邀主鑒隨時紀錄因以名編

許徽定變錄六卷

徽里貫未詳

以上雜錄

明

茅坤徐海本末一卷

坤字順甫歸安人嘉靖進士官至大名兵備副使事蹟具明史文苑傳

王直傳一卷

不著撰人名氏

臣等謹案以上二書本為合刻題曰海寇後編今析出著錄應從叛臣諸傳附載史末之例自為一類而明代惟此二書故即附傳記之末焉

以上別錄

欽定續文獻通考卷一百六十五

欽定四庫全書

史部

欽定續文獻通考卷一百六十九

六至

給事中_臣劉芬覆勘

總校官內閣中書_臣孫溶

欽定四庫全書

欽定續文獻通考卷一百六十六

經籍考

史載記

臣等謹案馬端臨通考有霸史偽史一門考阮孝緒七錄始立偽史隋書經籍志改稱霸史而馬氏則兼用二名其實曰霸曰偽乃指當時僭撰者而言若非偏方割據者之所自作即不得繫以此目

今所存者大抵後人追記為多四庫全書準東觀

漢記晉書之例

案後漢書班固傳稱撰平林新市公孫述事為載記劉知幾史通亦

稱平林下江諸人東觀列為載記 又晉書附做十六國亦云載記 題曰載記於義

甚允故亦倣此而改馬氏之舊名焉

宋史藝文志霸史類四十四部四百九十八卷

案宋史不立載

記類原有霸史一門此條仍從其舊

遼金元三史不立藝文志散見各紀傳中

明史藝文志不立載記類

宋

臣等謹案宋史藝文志霸史類四十四部今所存者馬令陸游南唐書外十餘種皆馬考所已錄惟四庫全書存目所載石延年等書宋志以下均未著錄大都出於依托今仍列之於目而各加辨證如左

石延年十六國考鏡一卷

延年字曼卿宋城人官至太子中允

臣等謹案是編舉晉書載記中所列五涼四燕三秦二趙并成夏等十六國考其始終傳世幾代歷年若干通篇不及三千言曹溶學海類編收之其間僞本甚多此為托名無疑

王稱西夏事畧一卷

稱字季平眉州人承議郎知龍州直秘閣

臣等謹案是編即稱東都事畧中之西夏傳作僞者鈔出別題此名曹溶學海類編亦為收入失考

殊甚

元

吾邱衍晉文春秋一卷
楚史檮杌一卷

衍字子行錢塘人

臣等謹案明王禕集有吾子行傳記衍所著書有晉文春秋楚史檮杌二種蓋據撫舊事以補晉楚二史之闕本非偽作特傳其書者改晉文春秋為晉乘以合孟子所述之名耳前有大德十年吾邱衍

序一篇則係後人贗作

戚光南唐書音釋一卷

光建康人

錢曾讀書敏求記曰光嘗輯金陵志搜訪文獻大有考證為當時所稱許

臣等謹案宋陸游撰南唐書十八卷元天歷初戚光為之音釋前有趙世延序

黎崩安南志畧二十卷

翦字景高安南國人至元中入朝官奉議大夫僉歸
化路宣撫司事居于漢陽

臣等謹案朱彞尊跋稱翦自內附後閒居著述乃
撰此志程鉅夫元明善許有壬龍仁夫歐陽元皆
為之序於山川風土人物及書命詞章之類能一
一詳悉之今考是書所紀安南事實與元史列傳
多有異同正可互相參証是雖地志之流實可以
備外史之數又馬考於霸史偽史門即收入雞林

志高麗圖經等書今從其例錄之餘如鄭麟趾高麗史之類並倣此

明

楊學可明氏實錄一卷

學可新都人

臣等謹案是書記明玉珍父子始末其以實錄為名者蓋沿燉煌實錄建康實錄之例

越史畧三卷

不著撰人名氏

臣等謹案是書紀安南國事為陳氏之臣所作原題大越史畧僭號紀年真為偽史悖繆不足錄今列之於目以正其罪考成書之時在洪武初年故載於此

鄭麟趾高麗史二卷

麟趾高麗國人官正獻大夫工曹判書集賢殿大提學知經筵春秋館事兼成均大司成

臣等謹案朱彝尊曝書亭集有是書題跋稱明景
泰二年高麗使臣鄭麟趾表進於朝凡一百三十
九卷其體例有條不紊此本止世系一卷后妃列
傳一卷蓋非完書也

朝鮮史畧六卷

一名東國史畧

不著撰人名氏

陳霆唐餘紀傳十八卷

霆字聲伯德清人弘治進士官至山西提學僉事

顧應祥南詔事畧一卷

應祥見編年類

錢貴吳越紀餘五卷附雜吟一卷

貴字元抑長洲人

臣等謹案是書採輯吳越故實分題編錄詳于吳而畧于越前有正德庚午自記所謂三大綱者編年書法世家也所謂三十五事者季札觀樂之類也

楊慎渙載記一卷

慎見經類

黃洪憲朝鮮國紀一卷

洪憲字懋中秀水人隆慶進士官至少詹事掌翰林院事

李文鳳越嶠書二十卷

文鳳字廷儀宜山人嘉靖進士官至雲南按察司僉事

朱彛尊跋曰安南自元黎崩輯志畧後又百餘年
建置沿革廢興之由未有成書紀載文鳳特為詮
次有倫有要外史邦國之志斯稱善矣

狐忠小史十八卷

不著撰人名氏

臣等謹案此本即李文鳳粵嶠書也不知何人題
以狐忠小史其名與書不合又文鳳書二十卷此
則缺其前二卷而起于第三卷也

吳國倫陳張本末畧一卷附方國珍本末畧一卷

國倫字明卿興國人嘉靖進士官至河南
布政司參政明史文苑傳附見李攀龍傳
中

馬蓋臣吳越世家疑辨一卷

蓋臣爵里未詳

姚士彝後梁春秋二卷

士彜字叔祥海鹽人

臣等謹案王士禎居易錄稱士彜有此書惜未見之殊不知其無可取也士彜又嘗為西魏春秋若干卷蓋亦補魏收書之缺今佚不傳矣

劉文進韓氏事蹟一卷 方氏事蹟一卷

文進爵里未詳

倪輅南詔野史一卷

輅昆明人

欽定續文獻通考卷一百六十六

欽定四庫全書

欽定續文獻通考卷一百六十七

經籍考

史
史評史鈔

臣等謹案晁公武讀書志曰鈔節之學不行而論說者為多故摘論史者為史評而廢史鈔此晁氏自叙其書云爾要之評鈔亦相為表裏缺不為漏備不為贅故馬考二者皆載而不復區分今從四

庫全書之例仍分為二而並列一門焉

宋史藝文志史鈔類七十四部一千三百二十四卷

遼金元三史不立藝文志散見各紀傳中

明史藝文志史鈔類三十四部一千四十二卷

臣等謹案宋明史志俱不載史評類而史鈔之中
史評亦多互見今止列史鈔部卷總數

宋

呂祖謙議史摘要四卷

祖謙見經類

臣等謹案是書舊題新刊祖謙呂先生議史摘要
又題曰議史摘粹其實即呂祖謙左氏博議但增
以註釋耳

唐庚三國雜事二卷

庚字子西眉州丹陵人紹聖進士官宗學博士以薦
除提舉京畿常平後謫居惠州大觀五年赦歸道卒
事蹟具宋史文苑傳

曹彥約經幄管見四卷

彥約字簡甫都昌人淳熙進士官至兵部尚書以華

文閣學士致仕謚文簡

葛洪涉史隨筆一卷

洪字容甫婺州東陽人淳熙進士官至參知政事觀

文殿學士謚端簡

李燾六朝通鑑博議十卷

燾見經類

錢時兩漢筆記十二卷

時見經類

李心傳舊聞證誤四卷

心傳見經類

臣等謹案宋史藝文志載心傳是書作十五卷明代已無傳本今從永樂大典中採輯一百四十餘條釐為四卷雖非全帙亦足為考證之資焉

三國六朝五代紀年總辨二十八卷

欽定四庫全書

欽定續文獻通考
卷一百六十七

三

不著撰人名氏

臣等謹案馬端臨通考載永嘉朱黼紀年統論一卷紀年備遺一百卷有葉適序稱其書三千餘篇述呂氏武氏王莽曹丕朱溫皆削其紀年今考此書三國紀年不列曹丕五代紀年不列朱溫其例正相合又開禧丁卯吳煥然序稱魏仲舉求得永嘉朱先生三國六朝五代紀年總辨云云則此書為仲舉所摘出行者實即紀年備遺中之二十

八卷也以其題名既別仍為錄入而特加辨證於此

陳亮三國紀年一卷

亮字同甫婺州永康人紹興四年進士第一官至建康軍節度判官

臣等謹案此書名為紀年實史家論斷之體已載亮所著龍川集中此其別行之本也

南宮靖小學史斷二卷續集一卷附通鑑總論一卷

靖一字仲靖分寧人端平進士

王應麟通鑑答問五卷

應麟見經類

王繼善史學提要一卷

繼善字成性盱江人

元

陳櫟歷朝通畧四卷

櫟見經類

王惲承華事畧一卷

惲字仲謀東平人世祖時官至翰林學士

錢天祐叙古頌二卷

天祐爵里無考

尹起莘資治通鑑綱目發明十九卷

起莘遂昌人隱居不仕

劉友益資治通鑑綱目書法五十九卷

友益永新人

王幼學資治通鑑綱目集覽五十九卷

幼學字行御望江人

徐昭文資治通鑑綱目考証五十九卷

昭文字季章上虞人韓性門人

董蕃通鑑質疑

無卷數

蕃字子衍宜興人鈞臺書院山長

郝經通鑑書法

無卷數

經見正史類

金居敬通鑑綱目凡例考異

無卷數

居敬休寧人從朱升趙訪學

臣等謹案尹起莘等各書原附朱子綱目而行雖有發揮未得要領今朱子綱目及金履祥前編商輅續編均蒙

聖祖仁皇帝御批折衷至當起莘等書可以盡廢矣姑存其目謹識於此

胡一桂十七史纂要古今通考十七卷

一桂見經類

楊維禎史義拾遺二卷

維禎見經類

凌緯事偶韻語一卷

緯里貫未詳

明

寧王權通鑑博論三卷

權見雜史類

趙弼雪航膚見十卷

弼字輔之號雪航南平人永樂間以明經授教諭家於漢陽

劉定之宋論三卷

定之見經類

商輅蔗山筆塵一卷

輅見奏議類

夏寅政監三十二卷

卷一百六十七

寅字正夫華亭人正統進士官至山東布政使

邵寶學史十三卷

寶見經類

李士實世史積疑二卷

士實新建人成化進士官至右都御史致仕正德間

以從宸濠謀叛伏法事見明史

張邦奇兀涯西漢書議十二卷

邦奇字常甫鄞縣人弘治進士官至南京兵部尚書

謚文定

李東陽新舊唐書雜論一卷

東陽見雜史類

程敏政宋紀受終考三卷

敏政見傳記類

張時泰續資治通鑑綱目廣議十七卷

時泰字西洲松江人弘治中官秀水縣訓導

許浩宋史闡幽三卷 元史闡幽一卷

浩字復齋餘姚人弘治中以貢生官桐城縣教諭

臣等謹案宋史闡幽浩因與邱濬讀宋史而作元

史闡幽則取續綱目所書而論斷之也

范光宙史評十卷

光宙字霽陽石門人

方鵬責備餘談十卷

鵬見傳記類

田維祐東源讀史錄

無卷數

維祐字裕夫蕭山人正德進士官至肇慶府知府

何思登翼正錄一卷

思登字一舉武昌人正德進士官翰林院編修

鄒泉尚論編二十卷

泉見傳記類

呂頤世譜增定二卷

頤字夢賓陝西寧州人嘉靖進士官至應天府尹

楊一奇史談補五卷

一奇交城人嘉靖進士

張居正呂調陽帝鑑圖說

無卷數

居正見經類調陽臨桂人嘉靖進士官至大學士謚

文簡

戴璟羣史品藻三十卷 漢唐通鑑品藻二十卷

璟字孟光號石屏奉化人嘉靖進士官至僉都御史

巡撫廣東

唐順之兩漢解疑二卷 兩晉解疑一卷

順之見奏議類

陸深史通會要三卷

深見雜史類

洪垣覺山史說二卷

垣字峻之婺源人嘉靖進士官至温州府知府

張之象太史史例一百卷

之象字元超華亭人嘉靖中官浙江按察司知事明

史文苑傳附見文徵明傳中

王世貞史乘考誤十卷

世貞見雜史類

范櫛洗心居雅言集二卷

櫛字養吾會稽人嘉靖進士官至知府

吳崇節古史要評五卷

崇節字介甫弋陽人嘉靖時舉人官武岡縣知縣

臣等謹案是編所載起周靈王迄南宋每事先標

題目後載史文特不能無挂漏云

賀祥史取十二卷

祥號長白長沙人

于慎行讀史漫錄十四卷

慎行字可遠東阿人隆慶進士官至禮部尚書

李維禎郭孔延史通評釋十二卷

維禎字書寧京山人隆慶進士官至南京禮部尚書

事蹟具明史文苑傳孔延爵里未詳

趙南星史韻二卷

南星見經類

徐三重餘言二卷

三重字伯同華亭人萬厯進士官刑部尚書

朱正色涉世雄談八卷

正色字應明南和人萬厯進士官至右副都御史巡

撫寧夏

陳懿典讀史漫筆一卷

懿典見經類

王維儉史通訓故六十卷

維儉字損仲萬曆進士官至山東巡撫事蹟具明史

文苑傳

熊尚文蘭曹讀史日記四卷

尚文字益中豐城人萬曆進士官至工部右侍郎

涂一榛尚友齋論古

無卷數

一榛字廷薦漳州鎮海衛人萬曆進士官至右通

政使

鄭賢人物論三十四卷

賢字元直蒲陽人官震澤縣教諭

王志堅讀史商語四卷

志堅字弱生更字淑士崑山人萬曆進士官至湖廣提學僉事事蹟具明史文苑傳

臣等謹案明史本傳稱志堅為南京兵部郎中時

要同舍郎為讀史社並撰一書曰讀史商語即是

編也

鍾惺史懷二十卷

惺見經類

臣等謹案明史本傳稱惺官南都禮部郎中時儼居秦淮水閣讀史恒至丙夜有所見即筆之名曰史懷即是編也

張大齡元羽外編四十六卷

大齡眉州人

顧正誼詩史十五卷

正誼松江人萬厯中官中書舍人

馮士元測史剩語六卷

士元字廷對新昌人萬厯間貢生官至河南府教授

吳宏基史拾載補

無卷數

宏基字伯持仁和人

臣等謹案是編前有自序似乎先著一書名史拾
而此補之者

程至善史砭二卷

至善字于止休寧人

郭大有評史心見十二卷

大有字用亨江寧人

鄭賡唐古質疑一卷

賡唐見經類

陳繼儒讀書鏡十卷

繼儒見雜史類

茅元儀青油史漫二卷

元儀見雜史類

宋存標史疑四卷

存標字子建華亭人崇禎間貢生候補翰林院孔目

張溥史論二編十卷

溥見經類

胡夢泰讀史書後一卷

夢泰字友蟲鉛山人崇禎進士官鄞縣知縣

朱明鎬史糾

無卷數

明鎬字豐芑太倉人

臣等謹案是書考訂諸史書法之謬及其事迹之
牴牾者上自三國下迄元史每史各為一編

冒起宗拙存堂史括三卷

起宗見經類

孟稱舜史發

無卷數

稱舜字子塞會稽人崇禎間諸生

楊時偉狂狷裁中十卷

時偉見編年類

張自勳廿一史獨斷三十一卷

自勳見編年類

臣等謹案此書每一史為一卷各糾其失而斷以已意然未能一一核其虛實究其異同也

尚論編六卷

不著撰人名氏

國書考異六卷

不著撰人名氏

臣等謹案是書所考事蹟惟明洪武永樂兩朝以實錄野史及諸家文集碑誌參証同異斷其是非而攻駁鄭曉今言者為多

賈棻言一卷

舊本題曰匪齋撰不著名氏

臣等謹案是編取明代人物各加評斷書中稱莊烈帝為思皇帝疑福王時人也

以上史評

宋

沈樞通鑑總類二十卷

樞字持要德清人紹興進士官至太子詹事光祿卿
謚憲敏

呂祖謙十七史詳節二百七十三卷

祖謙見經類

黃震古今紀要十九卷

震字東發慈谿人官至浙東提舉事蹟具宋史儒林傳

元

曾先之十八史畧二卷

先之字從野廬陵人

明

張九韶元史節要十四卷

九韶字美和清江人洪武十年以薦授國子助教遷

翰林院編修

范理讀史備忘八卷

理字道濟天台人宣德進士官至南京吏部侍郎

劉績春秋左傳類解二十卷

績見經類

王渙兩晉南北奇談六卷

渙象山人弘治進士

臣等謹案是書舊本題宋王渙撰渙為仁宗慶厯

未睢陽五老之一世僅傳渙所作五老會詩一首
不聞其著此書鄭樵以下諸家書目亦不著錄惟
考太學進士題名碑弘治丙辰科有王渙象山人
明史藝文志有渙所著墨池手錄三卷此本自稱
墨池王渙與號相合故定為明王渙所撰焉

分類通鑑四卷

不著撰人名氏

方瀾讀書漫筆十八卷

瀾莆田人正德進士官禮部郎中

陳深諸史品節三十九卷

深見經類

唐順之史纂左編一百二十四卷 左氏始末十二卷

順之見奏議類

茅坤史記鈔六十五卷

坤見傳記類

李紀史畧詳註補遺大成十卷

紀字大正金谿人

梁夢龍史要編十卷

夢龍字乾吉嘉靖進士官至吏部尚書謚貞敏

凌迪知左國臆詞八卷 太史華句八卷 兩漢雋言

十六卷

迪知字穉哲烏程人嘉靖進士官至兵部員外郎

顏鯨春秋貫玉四卷

鯨字應雷慈谿人嘉靖進士官至太僕寺卿

穆文熙四史鴻裁四十卷

文熙見傳記類

項篤壽全史論贊八十卷

篤壽見傳議類

臣等謹案是書皆摘錄諸史論贊亦自評也故登
之史鈔之列

綵線貫明珠秋葉錄一卷

不著撰人名氏

臣等謹案是書蓋史畧蒙求之類所紀自伏羲至明武宗止則是嘉靖以後書也

秦澹春秋類編三十二卷

澹見傳記類

薛虞畿春秋別典十五卷

虞畿海陽人

王思義宋史纂要二十卷

思義字允明松江人

汪應蛟古今彙語十二卷

應蛟字潛夫婺源人萬厯進士官至戶部尚書謚文

簡

馬維銘史書纂畧二百二十卷

維銘字新甫平湖人萬厯進士官至兵部職方司主

事

吳士奇史裁二十六卷

士奇字無奇歙縣人萬厯進士官至太常寺卿

謝肇淛史鵠十七卷

肇淛字在杭福建長樂人萬曆進士官至廣西右布政使明史文苑傳附見鄭善夫傳中

趙維寰讀史快編四十四卷

維寰字無聲平湖人萬曆中舉人

金文龍史齋二十五卷

文龍字起潛古田人萬曆進士官至南京工部主事

周詩雅南北史鈔

無卷數

詩雅字廷吹武進人萬厯進士

王光魯閱史約書五卷

光魯字漢恭淮安人

臣等謹案是書專為讀史者考訂之用故附入史

鈔類

俞煥章讀史圖纂一卷

煥章字文伯宣城人

臣等謹案是書凡圖五十有七上起三皇下迄明

之神宗各以世系地域列而為圖亦便於讀史者
之尋檢今附入史鈔與閱史約書同例

章大吉左記十二卷

大吉字惠伯山陰人萬厯間貢生官至南京國子典
簿

彭以明二十一史論贊輯要三十六卷

以明廬陵人萬厯間諸生

孫范在傳分國紀事二十二卷

范字匡儀錢塘人天啟間舉人

陳仁錫史品赤函四卷

仁錫見經類

楊以任讀史集四卷

以任字維節瑞金人崇禎進士官國子監博士

文德翼宋史存二卷

德翼字用昭德化人崇禎進士官嘉興府推官

施端教讀史漢翹二卷

端教字匪莪泗州人

沈國元二十一史論贊三十六卷

國元字飛仲吳縣人

張毓睿三國史瑜八卷

毓睿字聖初錢塘人

姚允明史書十卷

允明字汝服休寧人

俞文龍史異編十七卷

欽定四庫全書

欽定續文獻通考

卷一百六十七

文龍晉江人

以上史鈔

欽定續文獻通考卷一百六十七

欽定四庫全書

欽定續文獻通考卷一百六十八

經籍考

史故事

臣等謹案故事之屬有通制有典禮有邦計有軍政有法令有營建凡以國政朝章六官所職者並入斯類今續通考故事一門條目雖多部卷甚少是以不復分列至職官刑法舊本別出仍從其例

馬

宋史藝文志故事類一百九十八部二千九十四卷
遼金元三史不立藝文志散見各紀傳中

宋
明史藝文志故事類一百六部二千一百二十一卷

李維邦計彙編一卷

維字仲方肥鄉人雍正進士歷官翰林學士工部尚
書柳州觀察使

臣等謹案是書即冊府元龜邦計一門之總序當時預修者十五人維居其列後人剝剝此序詭題書名而以為維之所撰未可信也

陳彭年貢舉叙略一卷

彭年字永年南城人雍熙進士官至兵部侍郎贈右僕射謚文僖

臣等謹案是書即冊府元龜貢舉一門之總序後人以彭年為作序十五人之一遂題彭年之名耳

陳傅良歷代兵制八卷

傅良字君舉瑞安人紹興進士官至寶謨閣待制謚文節事蹟具宋史儒林傳

紹興十八年同年小錄一卷

王佐榜進士題名

臣等謹按是科為紹興戊辰南渡後第七科也以朱子名在五甲第九十故是科同年小錄特傳

寶祐四年登科錄一卷

文天祥榜進士題名

臣等謹案是科天祥本列第五理宗親擢第一其二甲第一名為謝枋得第二十七名為陸秀夫三人皆以忠節為世所重故是科小錄與紹興十八年題名並傳

臣等又案馬考以中興登科小錄載入傳記類考進士題名乃典禮之屬存諸故事門於義始允故紹興寶祐兩錄登此

趙昇朝野類要五卷

昇字文昌里貫無考

王應麟漢制考四卷

應麟見經類

金

大金集禮四十卷

不著撰人名氏

黃虞稷千頃堂書目曰明昌六年禮部尚書張暉

等所進

大金德運圖說一卷

不著撰人名氏

臣等謹案是編為金尚書省會官集議之文

元

馬端臨文獻通考三百四十八卷

端臨字貴與樂平人宋丞相廷鸞之子咸淳中漕試
第一元初起為柯山書院山長終于台州儒學教授

朱彛尊曰宋崇文總目當時撰定諸儒皆有論說
凡一書大義必舉其綱法至善也其後若羣齋讀
書志書錄解題等編或取法於此故雖書有亡失
而後之學者覽其目錄猶可想見全書之本末焉
乃夾漈鄭氏謂每書據標目自見何用更為之說
又何用一一強為之說於是紹興中改定此書僅
存其目志去論說書之散佚者學者遂無由知撰
述之本旨矣幸而尚存其概則鄱陽馬氏之功也

元典章前集六十卷 附新集 無卷
數

英宗時官撰

廟學典禮六卷

不著撰人名氏

臣等謹案是書所載始于元太宗九年丁酉終于
成宗大德間蓋元人所錄也

歐陽元極荒事略一卷

元字原功瀏陽人延祐進士官至翰林學士承旨謚

曰文

武祺寶鈔通考八卷

祺里貫無考至正十三年為戶部尚書

通祀輯略三卷

不著撰人名氏

元內府宮殿制作一卷

不著撰人名氏

明

明祖訓一卷

洪武二年命中書編次六年書成太祖自為序

臣等謹案明太祖序稱開導後人立為家法大書揭于西廡朝夕親覽以求至當首尾六年凡七謄錄稿至今方定云云然則諸侍臣僅繕錄排纂而已其文悉太祖御撰也

明堂或問一卷 正孔子祀典說一卷

世宗肅皇帝御撰

存心錄十卷

不著撰人名氏

臣等謹察明史藝文志載吳沈等編集存心錄十八卷沈蘭谿人元國子博士師道之子洪武時官大學士此書所載禮節皆洪武三年以前之事則藝文志所謂存心錄者即此書惟卷數不符或係史志之誤也

張廸日本東夷朝貢考一卷

廸字文海華亭人

危素元海運志一卷

素見傳記類

費闇臨雍錄一卷

闇字廷言丹徒人成化進士官至禮部侍郎

明會典一百二十八卷

弘治十年奉勅撰十五年書成正德四年重校刊行

席書大禮集議五卷

書字文同遂寧人弘治進士官至大學士謚文襄

陸深科場條貫一卷

深見雜史類

邵寶漕政舉要錄十八卷

寶見經類

邱濬鹽法考略一卷 錢法纂要一卷

濬見編年類

傅浚鐵冶志二卷

浚字汝源南安人弘治進士官至工部郎中

王守仁陽明鄉約法一卷 陽明保甲法一卷

守仁字伯安號陽明餘姚人弘治進士官至兵部尚

書封新建伯

陳講馬政志四卷

講字子學遂寧人正德進士官至山西提學副使

朱熊救荒活民補遺書三卷

熊字維吉江陰人

張璠保和冠服圖一卷

璠見詔令類

太廟勅議一卷

嘉靖中禮部頒行

朱當澍改元考一卷

當澍明宗室魯王禮之元孫

朱自新重緝祖陵紀略二卷

自新明宗室邦翰之孫

張問之造輓圖說一冊

問之慶雲人嘉靖進士官至工部郎中

朱廷立鹽政志十卷

廷立通山人嘉靖進士官至禮部右侍郎

劉璽嘉靖清源關志四卷

璽字雙泉唐縣人嘉靖進士官至右副都御史巡撫

宣府

馬麟淮關志八卷

麟巴縣人嘉靖進士官至南京戶部員外郎

胡彥茶馬類考六卷

彥沔陽人嘉靖進士官巡察茶馬御史

王宗沐海運詳考一卷 海運志二卷

宗沐字新甫臨海人嘉靖進士官至刑部左侍郎

王佺洲課條例一卷

徒里貫未詳

史起摯張矩兩淮鹽法志十二卷

起蟄江都人矩儀徵人

張鳴鳳漕書一卷

鳴鳳見傳記類

羅汝芳明通寶義一卷 廣通寶義一卷

汝芳見經類

梁夢龍海運新考三卷

夢龍見雜史類

崔旦海運編二卷

旦字伯東平度人

查志隆山東鹽法志四卷

志隆字鳴治海寧人嘉靖進士官至山東布政司左
叅政

八閩政議三卷

不著撰人名氏

鄭若曾海運圖說一卷 蘇松浮賦議一卷

若曾字伯曾號開陽崑山人嘉靖初貢生

王圻續文獻通考二百五十四卷 謚法通考十八卷

重修兩浙離志二十四卷

圻字元翰上海人嘉靖進士官至陝西布政司叅議
明史文苑傳附見陸深傳中

黃虞稷曰王圻續文獻通考始宋嘉定後暨遼金
元迄明萬歷凡二十四門悉依馬氏前考又益以
節義書院氏族六書道統方外等門

臣等謹案朱彝尊謂王圻續通考本以續鄱陽馬

氏之書乃中間有卷帙者僅十之一二而已兼之
世次之後先紊亂名字之稱謂錯雜典籍之篇目
重複其牽率為已甚矣王圻此書誠有如彛尊所
譏然著述之難馬端臨自序早詳言之王氏雖疎
而其中可據以拾遺者亦復不少分別觀之可也

沈啓南船記四卷

啓字子由長洲人嘉靖進士官湖廣副使

楊宏漕運通志十卷

宏字希仁海州大河衛人嘉靖中以指揮使授都督
同知總運江北

明集禮五十三卷

徐一夔等奉勅撰一夔字大章天台人署杭州教授
事蹟具明史文苑傳

金贊仁太常總覽

無卷數

贊仁嘉靖間道士以齋醮有寵官至太常寺少卿
周孔教救荒事宜一卷

孔教見奏議類

念初堂集十二卷

不著撰人名氏

臣等謹察是書舊題念初堂集實即太學志略也

朱睦㮮謚苑二卷

睦㮮見經類

朱勤業王國典禮八卷

勤業字伯榮開封人睦㮮子為周藩宗正

鄧汝璧明臣謚類抄一卷

汝璧見雜史類

張朝瑞明貢舉考九卷

朝瑞見傳記類

龔輝西槎彙草一卷

輝餘姚人嘉靖進士官至工部左侍郎

周夢暘水部備考十卷

夢暘字啟明南漳人萬曆進士官至工部都水司郎

中

馮夢禎歷代貢舉志一卷

夢禎字開之秀水人萬曆進士官至國子監祭酒

郭正域明典禮志二十卷

正域見經類

何繼高馮學易閑遠慶長蘆鹽法志十三卷

繼高字汝登山陰人萬曆進士官至江西布政司叅

政學易字韋卿臨海人隆慶時舉人官至長蘆鹽運

司運同遠慶字基厚萬厯進士官至四川按察司僉事

徐學聚明朝典彙二百卷

學聚見傳記類

馮應京經世實用編二十八卷

應京見經類

明典章

無卷數

不著撰人名氏

會典抄略

無卷數

不著撰人名氏

王在晉通漕類編九卷

在晉字明初太倉人萬歷進士官至兵部尚書

董其昌學科考略一卷

其昌字思白華亭人萬歷進士官至禮部尚書謚文敏

張鼎鑊堂考故一卷

龔見雜史類

鮑應鼈明臣謚彙考二卷

應鼈字山父歙縣人萬歷進士官至禮部祠祭司郎

中

李之藻類宮禮樂疏十卷

之藻字振之仁和人萬歷進士官至工部都水司郎

中

李樞粵東曠政考二卷

樓字長瑞鄞縣人萬曆進士官至兵部侍郎

荆之琦北新鈔關志十六卷

之琦丹陽人萬曆進士

孫能傳謚法纂十卷

能傳字一之寧波人萬曆進士官至工部員外郎

沈德符秦壘始末一卷

德符字景倩秀水人萬曆間舉人

瞿九思孔廟禮樂考六卷

九思見經類

徐伯徵留都武學志五卷

伯徵字儒臺海寧人萬厯進士官至揚州府知府

葉秉敬明謚考三十八卷

秉敬見經類

郭良翰彙編二十四卷

良翰見經類

魏純粹開荒十二政一卷

純粹柏鄉人萬歷間官永城縣知縣

禮部志稿一百卷

秦昌元年官撰

太常續考八卷

不著撰人名氏

胡我琨錢通三十二卷

我琨字白玉里貫未詳

楊時喬馬政紀十二卷

時喬見經類

倪元璐國賦紀略一卷

元璐見經類

陳龍正救荒策會七卷

龍正字惕龍嘉善人崇禎進士官南京國子監丞福
王召為禮部祠祭司員外郎

盧上銘辟雍紀事

無卷數

上銘字爾新東莞人崇禎中官南京國子監典簿

陳懋仁年號韻編一卷

懋仁字無功嘉興人官泉州府經歷

張宏道張凝道三元考十四卷

宏道字成孺凝道字明孺皆武進人

袁應兆萬古法程一卷

應兆見經類

董說七國考十四卷

說見經類

汪珂玉古今醒略九卷 醒略補九卷

珂玉字玉水徽州人寄籍嘉興

張陞救荒事宜一卷

陞字登子山陰人

鹽法考十卷

不著撰人名氏

欽定續文獻通考卷一百六十八